

INFORMACIONI LIST PORSCHE LEASING ZA FIZIČKA LICA U REPUBLICI SRPSKOJ

Informisanje Korisnika leasinga/Sudužnika u pregovaračkoj fazi

Finansijski leasing – novo i polovno putničko vozilo sa i bez PDV-a – promjenjiva kamatna stopa

Podaci o Davaocu leasinga	<p>Porsche Leasing d.o.o., Bulevar Meše Selimovića 16, 71000 Sarajevo</p> <p>tel +387 33 257 147, Fax +387 33 257 149,</p> <p>ID 4202098010005, PDV 202098010005</p> <p>www.porscheleasing.ba</p> <p>Porsche Leasing d.o.o., Podružnica Banja Luka, Mladena Stojanovića 43, 78000 Banja Luka</p> <p>ID 4202098010013</p>
Naziv usluge: Finansijski leasing	Finansijski leasing je pravni posao u kojem Korisnik leasinga u razdoblju posjedovanja i korištenja Predmeta leasinga plaća ugovorenu leasing naknadu s opcijom kupovine i stjecanja prava vlasništva nad Predmetom leasinga i snosi troškove amortizacije Predmeta leasinga.
Bruto vrijednost Predmeta leasinga	Bruto nabavna vrijednost Predmeta leasinga uključuje PDV za nova vozila, za polovna može ili ne mora. Dobavljač određuje bruto nabavnu vrijednost i ista je vidljiva na računu za predmetno vozilo.
Učešće	Učešće je novčani iznos koje Korisnik leasinga plaća Porsche Leasingu prilikom zaključenja Ugovora, a koji umanjuje osnovicu za obračun leasing naknade i ne vraća se Korisniku u slučaju raskida ugovora.
Iznos finansiranja	Predstavlja razliku između bruto nabavne vrijednosti Predmeta leasinga i iznosa učešća.
Valutna klauzula	Ugovorena leasing naknada obračunata je u valuti EUR te iskazana u protivvrijednosti domaće valute konvertibilnim markama (KM) prema srednjem kursu Centralne banke Bosne i Hercegovina na dan plaćanja, pri čemu kurs na dan zaključenja Ugovora iznosi 1 EUR = 1,95583 KM.
Trajanje Ugovora	Trajanje Ugovora veže se za rok otplate obaveza po leasing ugovoru. Minimalni period trajanja Ugovora je 24 mjeseca.
Period dospijea	Obaveze po Ugovoru se otplaćuju u jednakim anuitetima u skladu sa ugovorenom dinamikom plaćanja (mesečno, tromesečno, polugodišnje, godišnje i sl.) u broju koji ovisi od vremena na koji se Ugovor zaključuje. Dospjeće leasing naknada prikazani su u Otplatnom planu koji se Korisniku leasinga dostavlja poslije aktiviranja Ugovora o finansijskom leasingu. Korisnik leasinga dužan je izvršavati sva plaćanja u skladu sa Otplatnim planom, bez posebnih obavijesti od strane Porsche Leasinga o dospijeću.
Nominalna kamatna stopa	<p>Visina nominalne kamatne stope i pripadajuće naknade zavise od vrste proizvoda i boniteta/kreditne sposobnosti Korisnika leasinga. Ugovorena nominalna kamatna stopa može biti fiksna i promjenjiva.</p> <p>Nominalna kamata sa fiksnom kamatnom stopom podrazumijeva da se kamatna stopa ne mijenja u periodu važenja Ugovora.</p> <p>Promjenjiva kamatna stopa je vezana za tromesečni EURIBOR i sastoji se iz dva elementa: referente kamatne stope - EURIBOR-a tj. varijabilnog dijela i fiksnog dijela.</p> <p>Metod koji se primjenjuje kod obračuna kamatne stope je proporcionalni.</p> <p>Tromesečni EURIBOR se utvrđuje na zadnji dan prethodnog kvartala tekuće godine zaključenja Ugovora prema posljednjoj objavljenoj informaciji od strane European Central Bank-ECB ili ThomsonReuters OTC. Fiksni element kamatne stope je fiksna za čitav period trajanja ugovora i ne može se mijenjati. Prilagođavanje kamatne stope bit će vršeno po proteku svakog kvartala u slučaju promjene tromesečnog EURIBOR-a, ako je povećanje ili smanjenje EURIBOR-a +/- 0,25 procentnih poena, te ako je do isteka Ugovora ostalo duže od šest (6) mjeseci o čemu će Korisnik leasinga biti obaviješten pismenim putem prije nego što se novi Otplatni plan počne primjenjivati.</p> <p>Usklađivanje kamatne stope se neće vršiti ukoliko bi kamatna stopa bila niža od 0%. Porsche Leasing će o svakoj promjeni nominalne i efektivne kamatne stope blagovremeno obavijestiti Korisnika leasinga te u obavještenju navesti datum od kada se izmijenjena stopa primjenjuje i pritom dostaviti besplatno Korisniku leasinga izmijenjen Otplatni plan.</p> <p> Svaki novi Otplatni plan je obavezujući za Korisnik leasinga i čini dio Ugovora o leasingu. Kao početna vrijednost referentne stope uzima se vrijednost EURIBOR-a na zadnji dan prethodnog kvartala.</p> <p>Osnov za izmjenu važeće nominalne kamatne stope predstavlja razliku između vrijednosti referentne stope koja se primjenjivala u sastavu nominalne kamatne stope na dan zaključenja Ugovora odnosno na dan posljednjeg usklađivanja (promjene) i referentne stope utvrđene na zadnji dan tekućeg referentnog perioda.</p>
Efektivna kamatna stopa leasing naknade (ELIN)	ELIN predstavlja zbir iznosa finansiranja sa nominalnom kamatnom stopom primijenjenom na Ugovor uvećan za iznose naknada koje Porsche Leasing zaračunava prilikom obrade zahtjeva te troškove naknada u toku perioda važenja Ugovora koji su poznati na dan izračunavanja ELIN-a, odnosno zbir ukupne kamate, učešća, PDV-a, trošak zaključenja ugovora, troškovi kasko osiguranja za cijelo vrijeme trajanja Ugovora, trošak kupovine mjenjice.

Obaveza provođenja postupka kreditne sposobnosti Korisnika leasinga i Pravo na obavještenje o rezultatima uvida u baze podataka	Porsche Leasing je dužan izvršiti provođenje postupka kreditne sposobnosti Korisnika leasinga/Sudužnika, u skladu sa internim politikama i procedurama za finansiranja putem leasinga, što uključuje postupak procjene kreditne sposobnosti prilikom odobravanja finansijskog leasinga, kao i tokom korištenja istog. Korisnik leasinga ima pravo da na zahtjev dobije od Porsche Leasinga besplatno obavještenje o rezultatima uvida u baze podataka kao što je Centralni registar kredita (CRK), Registar zaloga i sl.
Troškovi zaključenja ugovora	Iznose do 1,50% od novonabavne vrijednosti Predmeta leasinga bez PDV-a. Obračunavaju se jednokratno i naplaćuje prilikom dostavljanja poziva na prvo plaćanje.
Informacija o obavezi zaključenja ugovora o sporednim uslugama	Korisnik leasinga je obavezan da o svom trošku, prije preuzimanja Predmeta leasinga, za Predmet leasinga zaključi policu osiguranja od autoodgovornosti. Za svo vrijeme trajanja Ugovora Korisnik leasinga je dužan, o svom trošku, u ime Porsche Leasinga kao korisnika osiguranja, zaključiti ugovor o kasko osiguranju Predmeta leasinga. Korisnik leasinga je dužan bez odlaganja, dostaviti Porsche Leasingu jedan originalni primjerak police kasko osiguranja nakon zaključenja iste kao i kopiju police osiguranja od autoodgovornosti. Za putnička motorna vozila se ugovara puno kasko osiguranje na novonabavnu bruto vrijednost vozila, bez franšiza za štetu ili krađu. Troškovi osiguranja su transparentno iskazani u Ugovoru te je Korisnik leasinga upoznat s visinom istih.
Registracija Predmeta leasinga	Korisnik leasinga prema mjestu svog prebivališta, odnosno sjedišta podnosi zahtjev za registraciju Predmeta leasinga nadležnom policijskom organu, koji Korisniku leasinga izdaje potvrdu o registraciji, a Davaocu leasinga potvrdu o vlasništvu. Shodno tome, Porsche Leasing će Korisniku leasinga izdati ovlaštenje za registraciju i Ovlaštenje za korištenje Predmeta leasinga. Troškove registracije, tehničkog pregleda, obaveznog osiguranja i druge povezane troškove snosit će isključivo Korisnik leasinga u iznosu određenom u trenutku registracije vozila. Produženje registracije: Porsche Leasing će ovlastiti Korisnika leasinga za produženje godišnje registracije Predmeta leasinga kada se za to steknu uslovi, odnosno kada Korisnik leasinga izmiri sve dospjele obaveze po Ugovoru. U slučaju da Korisnik leasinga ne izmiruje obaveze u skladu sa preuzetim obavezama, Porsche Leasing zadržava pravo da kao vlasnik Predmeta leasinga uskrati Korisniku leasinga saglasnost za produženje registracije vozila, a Korisnik leasinga je u tom slučaju obavezan vratiti Predmet leasinga u posjed Porsche Leasing. Troškove produženja registracije, tehničkog pregleda, obaveznog osiguranja i druge povezane troškove snosit će isključivo Korisnik leasinga u iznosu određenom u trenutku registracije vozila. Korisnik leasinga je dužan dostaviti Porsche Leasingu kopiju potvrde registracije nakon registracije, odnosno produženja registracije.
Naknada za reprogram Ugovora o leasingu	Naknada za reprogram Ugovora o leasingu iznosi 1,5% od ostatka duga (a ne manje od 140,00KM)+PDV obračunava se jednokratno i naplaćuje nakon odobrenja reprograma, a prije zaključenja aneksa na Ugovor o leasingu.
Ostale naknade i troškovi koji padaju na teret Korisnika leasinga	Za Korisnika leasinga, pored navedenih naknada, mogu nastati i sljedeći troškovi: -Trošak kupovine mjenice, -Trošak upisa u Registar zaloga ukoliko je isti neophodan u skladu sa drugim aktima koji posebno regulišu ovu oblast, -Trošak registracije, obaveznog osiguranja i kasko osiguranja ukoliko je Predmet leasinga motorno vozilo, odnosno ukoliko isto podliježe zakonskoj obavezi registracije, te svi troškovi koji se odnose na održavanje Predmeta leasinga, -Troškovi notarskih usluga, ukoliko je potrebno radi realizacije finansiranja. Svi navedeni troškovi su fiksnog karaktera za period na koji se odnose. Navedeni i potencijalni ostali troškovi koji mogu biti obračunati na teret Korisnika leasinga sadržani su u Pravilniku o naknadama Porsche Leasinga, objavljenom na web stranici www.porscheleasing.ba
Pravo Korisnika leasinga na kopiju nacrtu Ugovora	Korisnik leasinga ima pravo da na zahtjev dobije besplatnu kopiju nacrtu Ugovora, izuzev ukoliko Porsche Leasing u vrijeme podnošenja zahtjeva ocijeni da ne postoje uslovi za zasnivanje poslovnog odnosa sa Korisnikom leasinga. Nacrt ugovora Korisnik leasinga može razmatrati izvan prostorija Porsche Leasing d.o.o. Podružnica Banja Luka, u periodu od 7 dana od dana uručjenja.
Pravo na obavijest o stanju duga (redovnosti plaćanja)	Porsche Leasing je obavezan da, najmanje jednom godišnje, bez naknade, dostavi Korisniku leasinga potvrdu o stanju duga (redovnosti plaćanja) uključujući podatke o iznosu glavnice i kamate, kao i iznos preostalog duga, ali samo na njegov izričiti zahtjev. U slučaju ugovorene promjenljive kamatne stope, Porsche Leasing je dužan da o izmjeni te stope, obavijesti Korisnika leasinga prije početka primjene izmijenjene kamatne stope i u obavještenju navede datum od kada se izmijenjena stopa primjenjuje. Uz obavijest o promjeni kamatne stope Porsche Leasing dostavlja besplatno Korisniku leasingu izmijenjeni Otplatni plan nakon primjene nove kamatne stope.

Kamatna stopa u slučaju kašnjenja	U slučaju kašnjenja sa plaćanjem bilo koje dospjele obaveze iz Ugovora, Korisnik leasinga će platiti Porsche Leasingu ugovorenu kamatu na dospjele neizmirene obaveze, u visini zakonske zatezne kamate u iznosu od 10,95% godišnje. Zakonska zatezna kamata teče od dana dospeljeća potraživanja do dana plaćanja dospjelog potraživanja. O obračunatoj zateznoj kamati Porsche Leasing će Korisniku leasinga dostaviti odgovarajuću obavijest.
Informacija o posljedicama u slučaju neizmirenja obaveza	<p>Porsche Leasing može u svako doba s trenutnim učinkom jednostrano raskinuti Ugovor dostavljanjem pisanog obavještenja Korisniku leasinga, u sljedećim slučajevima:</p> <ul style="list-style-type: none"> - Korisnik leasinga ne izvrši plaćanje po pozivu na prvo plaćanje u roku od 15 dana od datuma prijema obavjesti, - Korisnik leasinga potpuno ili djelimično kasni sa plaćanjem leasing naknada ili sa plaćanjem drugih dospjelih potraživanja iz Ugovora, te uprkos opomeni ne ispuni svoju obavezu u naknadno ostavljenom roku, u skladu sa Ugovorom, - Korisnik leasinga zakasni s plaćanjem dospjele mjesečne naknade iznosa koji se plaća za premiju osiguranja i drugim razlozima koji će biti navedeni na Ugovoru. U slučaju raskida Ugovora, sva potraživanja Porsche leasinga prema Korisniku leasinga po ovom Ugovoru dospeljavaju odmah, sa danom raskida Ugovora. Porsche leasinga sačinit će obračun troškova raskida Ugovora, koji će uključivati sva neplaćena dospjela potraživanja po osnovu Ugovora, kao i naknadu štete za raskid Ugovora uvećanu za PDV prema važećim propisima. Ukoliko je Porsche leasinga prilikom zaključenja Ugovora omogućio Korisniku leasinga nabavku Predmeta leasinga pod posebnim akcijskim uslovima, u iznosu navedenom u Ponudi za finansiranje koja čini sastavni dio ovog Ugovora, uz uslov da Ugovor traje do isteka ugovorenog perioda, tada je Korisnik leasinga dužan, ukoliko tokom trajanja ugovora dođe do raskida Ugovora, da pored već navedenih iznosa naknade štete i troškova raskida nadoknadi Porsche leasingu srazmjerni nedospjeli dio akcijskog troška prikazan Ponudom.
Instrumenti obezbjeđenja ugovora	<p>Porsche Leasing sa Korisnikom leasinga ugovara sredstva obezbjeđenja Ugovora koja mogu biti:</p> <ul style="list-style-type: none"> - Sudužništvo, kojim Sudužnik preuzima obavezu da solidarno odgovara za cijelu obavezu Korisnika leasinga tako da Porsche Leasing može zahtijevati njeno ispunjenje bilo od glavnog dužnika, tj. Korisnika leasinga, bilo od Sudužnika ili od obojice u isto vrijeme, - Administrativna zabrana - kojom Korisnik leasinga/Sudužnik daju saglasnost da radi naplate potraživanja Porsche Leasing zaplijeni dio njegove plaće i da se izravno isplati na način utvrđen u toj ispravi, - Mjenica - vrijednosni papir i vjerodostojna isprava koja sadrži obavezu na bezuvjetno plaćanje novčanog iznosa od Korisnika Leasinga/Sudužnika. Porsche Leasing kao mjenični povjerilac može pokrenuti izvršni sudski postupak na osnovu vjerodostojne isprave, - Založno pravo na pokretnoj ili nepokretnoj imovini, - Druge vrste obezbjeđenja prihvatljive za Porsche Leasing. <p>Konačni instrumenti obezbjeđenja po pojedinačnom Ugovoru zavise od iznosa finansiranja i kreditne sposobnosti i utvrđuju se u pregovaračkoj fazi. Porsche Leasing je ovlašten da instrumente obezbjeđenja neograničeno koristi za naplatu svih potraživanja prema naprijed pobrojanom redoslijedu.</p>
Informacija o obavezi korištenja notarskih usluga	Ukoliko je potraživanje Porsche Leasinga obezbijeđeno hipotekom, Korisnik leasinga imaće trošak naknade za notarsku obradu ugovora o zasnivanju založnog pravca - hipoteka u kojem slučaju se ovi troškovi uključuju u ukupan iznos leasing naknade. Osnovica za obračun visine naknade notara je visina leasing finansiranja, a sve u skladu sa važećim zakonskim propisima koji regulišu ovu oblast.
Odustajanje od Ugovora	Davalac leasinga ne može uplatiti sredstva dobavljaču Predmeta leasinga prije isteka roka od 14 dana od dana zaključenja Ugovora o finansijskom leasingu, izuzev na izričit zahtjev Korisnika leasinga. Zahtjev nije moguće podnijeti ako je Ugovorom uslovljeno davanje instrumenata obezbjeđenja sve dok Korisnik leasinga ne dostavi tražene instrumente. Korisnik leasinga ima pravo odustati od zaključenog Ugovora u roku od četrnaest (14) dana od dana zaključenja Ugovora, bez navodenja razloga za odustanak. Prije isteka navedenog roka Korisnik leasinga dužan je o svojoj namjeri pisanim putem obavijestiti Porsche Leasing, pri čemu se datum prijema tog obavještenja smatra datumom odustanka od Ugovora. U slučaju odustanka Korisnika leasinga od zaključenog ugovora Davalac leasinga ima pravo na naplatu obračunate naknade za obradu leasing zahtjeva, koja ne može biti veća od naknade u slučaju kada Korisnik leasinga ne odustane od zahtjeva za leasing. Ukoliko je izvršeno plaćanje i isporuka Predmeta leasinga, Korisnik leasinga koji odustane od Ugovora dužan je Porsche Leasingu, odmah po slanju obavještenja o odustanku od Ugovora vratiti Predmet leasinga o vlastitom trošku. U slučaju da Korisnik leasinga odustane od zaključenog Ugovora, a obezbijedio je instrumente obezbjeđenja i platio ili preuzeo obavezu plaćanja troškova u vezi sa istim, odustajanjem od Ugovora o leasingu takvi troškovi su isključivo troškovi Korisnika leasinga. Korisnik leasinga ima pravo na povrat uplaćenog učešća i pripadajućih poreza.

	<p>Ukoliko Korisnik leasinga ne obavijesti Porsche Leasing o odustanku, smatrat će se da ne odustaje od Ugovora te će Porsche Leasing aktivirati Ugovor i staviti Predmet leasinga na raspolaganje Korisniku leasinga.</p> <p>Ukoliko Korisnik leasinga upotrijebi svoje pravo odustanka od Ugovora sa Porsche Leasingom koji je zaključio i ugovore o povezanim sporednim uslugama, smatrat će se da su i ovi ugovori raskinuti, osim u slučaju kada je Korisnik leasinga počeo koristiti takve sporedne usluge po osnovu drugog ugovora. Korisnik leasinga dužan je u pisanom obavještenju o odustanku izričito navesti da odustaje i od sporedne usluge.</p>
Prijevremena otplata	<p>Korisnik leasinga ima pravo u bilo kojem trenutku izvršiti prijevremenu otplatu Ugovora o leasingu, u potpunosti ili djelimično, prije roka određenog za otplatu pri čemu Korisnik leasinga ima pravo na umanjenje ukupnih troškova leasinga za iznos kamate i troškova za preostali period trajanja Ugovora. Korisnik leasinga je dužan o namjeri isplate cjelokupnog preostalog iznosa izvijestiti Porsche Leasing najmanje osam (8) dana unaprijed, nakon čega će Porsche Leasing odmah izvršiti konačni obračun, koji će uključivati sva neplaćena dospjela potraživanja po osnovu Ugovora, koji će biti predložen Korisniku leasinga. Naknada za prijevremenu otplatu se ne zaračunava, pri čemu kamate neće biti obračunate za period nakon dana isplate.</p> <p>Neiskorištena sredstva obezbjeđenja izdavalac može lično preuzeti u centrali Porsche Leasinga u roku od devedeset (90) dana od dana izmirenja obaveza po Ugovoru, a ukoliko to ne učini, neiskorištena sredstva obezbjeđenja će biti poništena.</p> <p>U slučaju da je Porsche Leasing prilikom zaključenja Ugovora omogućio Korisniku leasinga nabavku Predmeta leasinga pod posebnim akcijskim uslovima na način da je subvencionirao cijenu Predmeta leasinga u iznosu iskazanom u Ponudi, koja je sastavni dio Ugovora, uz uslov da Ugovor mora trajati do kraja ugovorenog perioda i ukoliko tokom trajanja Ugovora dođe do prijevremene otplate, Korisnik leasinga je dužan da pored već navedenih troškova prijevremene otplate nadoknadi Porsche Leasingu srazmjerni nedospjeli dio akcijskog troška prikazan Ponudom.</p>
Pravo na prigovor	<p>Korisnik leasinga ima pravo podnijeti prigovor pisanim i/ili elektronskim ili usmenim putem Porsche Leasingu, u slučaju kada Korisnik leasinga smatra da se Porsche Leasing ne pridržava propisa, odredbi ovog Ugovora i dobrih poslovnih običaja. Ako Korisnik leasinga prigovor uputi usmeno, a nije zadovoljan odgovorom, dužan je prigovor uputiti u pisanoj formi. Porsche Leasing je dužan Korisniku leasinga dostaviti odgovor na prigovor u roku od trideset (30) dana od dana podnošenja takvog prigovora.</p> <p>Ukoliko Davalac leasinga ne odgovori Korisniku leasinga u roku od trideset (30) dana od dana podnošenja prigovora ili Davalac leasinga prigovor Korisnika leasinga ocjeni kao neosnovan ili Korisnik leasinga ne prihvati prijedlog za rješenje spornog odnosa Davaoca leasinga, Korisnik leasinga može u pisanoj formi uputiti prigovor Ombudsmenu za bankarski sistem pri Agenciji za bankarstvo RS-a na adresu Vladike Platona 1/A, 78000 Banja Luka, a u roku od šest (6) mjeseci od dana prijema odgovora na prigovor ili od dana isticanja roka za dostavu odgovora na prigovor. U slučaju da se nastali spor nije mogao riješiti na prethodno navedeni način, Korisnik leasinga ima pravo na sudsku zaštitu podnošenjem tužbe nadležnom sudu.</p>
Sudužništvo	<p>Sudužnik odgovara Porsche Leasingu za naplatu svih potraživanja po Ugovoru, jednako kao i Korisnik leasinga, odnosno odgovara Porsche Leasingu za cijelu obavezu svom svojom imovinom i Porsche Leasing može zahtijevati njeno ispunjenje bilo od Korisnik leasinga, bilo od Sudužnika ili od obojice u isto vrijeme (solidarnost obaveze).</p> <p>Ukoliko Sudužnik izmiruje, odnosno u cijelosti izmiri obaveze Korisnika leasinga, isti ima pravo regresa od Korisnika leasinga. Porsche Leasing je dužan predati Sudužniku sredstva kojim se potraživanje dokazuje, a sve sa ciljem kako bi Sudužnik mogao realizovati svoje regresno pravo. Izmirivanjem obaveza Sudužnika za Korisnika leasinga, Sudužniku ne daje za pravo mogućnost sticanje prava vlasništva nad Predmetom leasinga, nego samo regresno pravo potraživanja prema Korisniku leasinga i to u dijelu u kojem je izvršio plaćanja za njega. U slučaju primjedbi na postupanje Porsche Leasinga po osnovu propisa, zaključenog Ugovora o finansijskom leasingu i dobrih poslovnih običaja Sudužnik ima pravo podnijeti prigovor na isti način kao i Korisnik leasinga.</p>
Trajanje ponude	<p>Podaci dati u pregovaračkoj fazi (Informacioni list) obavezuju Porsche Leasing na period od 7 dana od dana uručenja.</p>

Reprezentativni primjeri novo i polovno putničko vozilo sa i bez PDV-a - promjenjiva kamatna stopa

Predmet leasinga:	Novo putničko vozilo: Škoda Fabia Essence 1.0 TSI	Polovno putničko vozilo sa PDV-om: ŠKODA OCTAVIA 2.0 TDI	Polovno putničko vozilo bez PDV-a: ŠKODA OCTAVIA 2.0 TDI
Bruto vrijednost Predmeta leasinga (sa uključenim PDV)	35.000,00 KM (17.895,22 EUR)	30.000,00 KM (15.338,76 EUR)	30.000,00 KM (15.338,76 EUR)
Neto vrijednost Predmeta leasinga (bez uključenog PDV)	29.914,53 KM (15.295,06 EUR)	25.641,03 KM (13.110,05 EUR)	30.000,00 KM (15.338,76 EUR)
Iznos PDV na Predmet leasinga	5.085,47 KM (2.600,16 EUR)	4.358,97 KM (2.228,71 EUR)	0,00 KM (0,00 EUR)
Iznos učešća	6.999,99 KM (3.579,04 EUR), odnosno 20% od bruto vrijednosti predmeta leasinga	4.499,99 KM (2.300,81 EUR), odnosno 15 % od bruto vrijednosti Predmeta leasinga	4.499,99 KM (2.300,81 EUR), odnosno 15 % od bruto vrijednosti Predmeta leasinga
Iznos finansiranja	28.000,00 KM (14.316,18 EUR)	25.500,01 KM (13.037,95 EUR)	25.500,01 KM (13.037,95 EUR)
Trajanje Ugovora	60 mjeseci	60 mjeseci	60 mjeseci
Broj leasing naknada	60	60	60
Dospjeće leasing naknada	mjesečno	mjesečno	mjesečno
Iznos leasing naknade	561,07 KM (286,87 EUR)	510,96 KM (261,25 EUR)	510,96 KM (261,25 EUR)
Ugovorena preostala vrijednost	0,00 KM (0,00 EUR)	0,00 KM (0,00 EUR)	0,00 KM (0,00 EUR)
Nominalna kamatana stopa	Nominalna kamatna stopa je promjenjiva i iznosi 7,50% a sastoji se od tromjesečnog EURIBOR-a u iznosu od 2,03% (referente kamatne stope - Euribora tj. varijabilnog dijela) i fiksnog dijela u iznosu od 5,47%. Metod koji se primjenjuje kod obračuna kamatne stope je proporcionalni. Kamatna stopa je promjenjiva i vezana za tromjesečni EURIBOR.	Nominalna kamatna stopa je promjenjiva i iznosi 7,50% a sastoji se od tromjesečnog EURIBOR-a u iznosu od 2,03% (referente kamatne stope Euribora tj. varijabilnog dijela) i fiksnog dijela u iznosu od 5,47%. Metod koji se primjenjuje kod obračuna kamatne stope je proporcionalni. Kamatna stopa je promjenjiva i vezana za tromjesečni Euribor.	Nominalna kamatna stopa je promjenjiva i iznosi 7,50% a sastoji se od tromjesečnog EURIBOR-a u iznosu od 2,03% (referente kamatne stope Euribora tj. varijabilnog dijela) i fiksnog dijela u iznosu od 5,47%. Metod koji se primjenjuje kod obračuna kamatne stope je proporcionalni. Kamatna stopa je promjenjiva i vezana za tromjesečni Euribor.
Efektivna kamatna stopa leasing naknade (ELIN)	Efektivna stopa leasing naknade (ELIN) iznosi 18,11% i izračunata je sa sljedećim parametrima: - Iznos finansiranja iznosi 28.000,00 KM (14.316,18 EUR) sa nominalnom kamatnom stopom od 7,5%, rokom otplate 60 mjeseci. Ukupan iznos leasing naknade koji Korisnik leasinga treba da plati predstavlja zbir iznosa finansiranja i ukupnih troškova koje Korisnik leasinga snosi i iznosi 46.827,08 KM (23.942,31 EUR), izračunat kao zbir iznosa finansiranja iznosi 28.000,00 KM (14.316,18 EUR) i ukupnih troškova u iznosu 18.827,07 KM (9.626,13 EUR), a koji se sastoje od: - učešća u iznosu od 6.999,99 KM (3.579,04 EUR) odnosno 20% od bruto vrijednosti predmeta leasinga, - ukupne kamate 5.664,12 KM (2.896,02 EUR) - troškova zaključenja ugovora 448,73 KM (229,43 EUR), - ukupnog PDV-a od 1.039,18 KM (531,32 EUR) koji se sastoji od PDV-a na kamatu i PDV-a na trošak zaključenja ugovora - troškova kasko osiguranja za cijelo vrijeme trajanja ugovora od 4.670,05 KM (2.387,76 EUR), godišnji iznos 934,01 KM (477,56 EUR) - trošak kupovine mjenice u iznosu 5,00 KM (2,56EUR) Dodatni troškovi koji se odnose na trošak registracije, tehničkog pregleda i obaveznog osiguranja bit će naknadno utvrđen u iznosu određenom u trenutku registracije vozila.	Efektivna kamatna stopa leasing naknade (ELIN) iznosi 26,02% i izračunata je sa sljedećim parametrima: - Iznos finansiranja iznosi 25.500,01 KM (13.037,95EUR) sa nominalnom kamatnom stopom od 7,5%, rokom otplate 60 mjeseci. Ukupan iznos leasing naknade koji Korisnik treba da plati predstavlja zbir iznosa finansiranja i ukupnih troškova koje Korisnik snosi i iznosi 45.027,61 KM (23.022,25 EUR), izračunat kao zbir iznosa finansiranja od 25.500,01 KM (13.037,95 EUR) i ukupnih troškova od 19.527,60 KM (9.984,30 EUR), a koji se sastoje od: - učešća u iznosu od 4.499,99 KM (2.300,81 EUR) odnosno 15% od bruto vrijednosti predmeta leasinga; - ukupne kamate u iznosu od 5.157,59 KM (2.637,04 EUR); - troškova zaključenja ugovora u iznosu od 384,61 KM (196,65 EUR); - ukupnog PDV-a u iznosu od 942,18 KM (481,73 EUR) koji se sastoji od PDV-a na kamatu i na trošak zaključenja ugovora; - troškova kasko osiguranja za cijelo vrijeme trajanja ugovora u iznosu of 8.538,20 KM (4.365,52 EUR), godišnji iznos 1.707,64 KM (873,11 EUR); - trošak kupovine mjenice u iznosu 5,00 KM (2,56 EUR) Dodatni troškovi koji se odnose na trošak registracije, tehničkog pregleda i obaveznog osiguranja bit će naknadno utvrđen u iznosu određenom u trenutku registracije vozila.	Efektivna kamatna stopa leasing naknade (ELIN) iznosi 18,83 % i izračunata je sa sljedećim parametrima: - Iznos finansiranja iznosi 25.500,01 KM (13.037,95EUR) sa nominalnom kamatnom stopom od 7,5%, rokom otplate 60 mjeseci. Ukupan iznos leasing naknade koji Korisnik treba da plati predstavlja zbir iznosa finansiranja i ukupnih troškova koje Korisnik snosi i iznosi 45.104,12 KM (23.061,37 EUR), izračunat kao zbir iznosa finansiranja od 25.500,01 KM (13.037,95 EUR) i ukupnih troškova od 19.604,11 KM (10.023,42 EUR), a koji se sastoje od: - učešća u iznosu od 4.499,99 KM (2.300,81 EUR) odnosno 15% od bruto vrijednosti predmeta leasinga; - ukupne kamate u iznosu od 5.157,59 KM (2.637,04 EUR); - troškova zaključenja ugovora u iznosu od 450,00 KM (230,08 EUR); - ukupnog PDV-a u iznosu od 953,30 KM (487,41 EUR) koji se sastoji od PDV-a na kamatu i na trošak zaključenja ugovora; - troškova kasko osiguranja za cijelo vrijeme trajanja ugovora u iznosu of 8.538,20 KM (4.365,52 EUR), godišnji iznos 1.707,64 KM (873,11 EUR); - trošak kupovine mjenice u iznosu 5,00 KM (2,56 EUR) Dodatni troškovi koji se odnose na trošak registracije, tehničkog pregleda i obaveznog osiguranja bit će naknadno utvrđen u iznosu određenom u trenutku registracije vozila.

Korisnik leasinga : (Ime i prezime)

Sudužnik (Ime i prezime)

Davalac leasinga: Porsche Leasing d.o.o.

Broj Ugovora: _____

Mjesto i datum uručnja _____

PORSCHE LEASING D.O.O.

Bulevar Meše Selimovića 16, 71000 Sarajevo | Tel: +387 (0)33 257 147 | Fax: +387 (0)33 257 149 | porscheleasing.ba 5 / 5

 Matični broj: 65-01-0350-15 | JIB: 4202098010005 | PDV: 202098010005 | Broj žiro računa: 1610000138130048 Raiffeisen Bank d.d. Sarajevo
 Podružnica Banja Luka: Mladena Stojanovića 43, 78000 Banja Luka | JIB: 4202098010013